

MALAYSIA
DEWAN NEGARA
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 12 DISEMBER 2023, PUKUL 10.00 PAGI

Bil. 34

MENGANGKAT SUMPAAH

PERTANYAAN-PERTANYAAN BAGI JAWAB LISAN

1. PN-1523-L09935
Dato' Dr. Ahmad Azam bin Hamzah minta **MENTERI SAINS, TEKNOLOGI DAN INOVASI** menyatakan :-
 - (a) sejauh manakah keberhasilan usaha Kementerian dalam memperkukuhkan pembangunan dan penggunaan teknologi tinggi dalam kalangan pengguna di Malaysia; dan
 - (b) usaha yang dilakukan untuk mentransformasikan industri ini dan masyarakat daripada pengguna teknologi kepada pembangun teknologi.
2. PN-1523-L10326
Tuan Mohd Hasbie bin Muda minta **MENTERI PENGANGKUTAN** menyatakan rasional terhadap cadangan menaik taraf lesen secara automatik bagi pemilik lesen B2 kepada B dan adakah Kementerian khususnya Jabatan Pengangkutan Jalan (JPJ) telah berbincang dengan pihak industri dan pemegang taruh yang berkaitan.
3. PN-1523-L09992
Tuan Manolan bin Mohamad minta **MENTERI KEMAJUAN DESA DAN WILAYAH** menyatakan apakah kaedah dan garis panduan yang diguna pakai dalam pembayaran pampasan kepada Orang Asli apabila berlaku isu pengambilan tanah.

4. PN-1523-L10350
Dato' Ajis bin Sitin minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan inisiatif atau langkah-langkah yang telah diambil bagi mengelakkan kejadian gajah atau harimau dari memasuki kawasan perkampungan Orang Asli terutamanya di Ulu Jelai, Kuala Lipis Pahang, Hulu Perak dan juga pedalaman Gua Musang, Kelantan.
5. PN-1523-L10271
Dato' Shamsuddin bin Haji Abd Ghaffar minta **MENTERI EKONOMI** menyatakan apakah potensi pemulihan dan pertumbuhan ekonomi negara bagi tahun 2024 dan apakah sektor-sektor yang dijangka berkembang dengan pesat.
6. PN-1523-L10571
Tuan Musoddak bin Ahmad minta **MENTERI PERTANIAN DAN KETERJAMINAN MAKANAN** menyatakan statistik pengeluaran beras putih tempatan mengikut negeri bagi bermula dari tahun 2018 sehingga Oktober 2023.
7. PN-1523-L10550
Tuan Haji Abdul Nasir bin Haji Idris minta **MENTERI DALAM NEGERI** menyatakan implikasi terhadap tempoh pemprosesan permohonan kewarganegaraan yang dikurangkan daripada 73 hari kepada 14 hari.
8. PN-1523-L10237
Tan Sri Haji Mohamad Fatmi bin Che Salleh minta **MENTERI KEWANGAN** menyatakan jumlah sebenar kutipan cukai dan hasil negara mengikut agensi-agensi yang dipertanggungjawabkan oleh Kerajaan bagi setiap negeri di Malaysia sepanjang tahun 2022.
9. PN-1523-L10044
Datuk Wira Dr. Mohd Hatta bin Md Ramli minta **MENTERI PEMBANGUNAN WANITA, KELUARGA DAN MASYARAKAT** menyatakan komitmen Kerajaan dalam menyediakan sistem sokongan yang inklusif kepada industri penjagaan (*care industry*) terutamanya penjagaan warga emas kerana Malaysia bakal mendepani masalah Negara Menua dalam masa 10-20 tahun akan datang.

10. PN-1523-L10194
Dato' Juhanis binti Abd Aziz minta **MENTERI KOMUNIKASI DAN DIGITAL** menyatakan sama ada Kerajaan bercadang untuk memberi penerangan kepada rakyat di akar umbi berkenaan ekonomi semasa dan isu-isu yang membelenggu negara kerana ramai yang masih tidak memahami akan keadaan ekonomi negara dan dunia ketika ini.
11. PN-1523-L09873
Datuk Teo Eng Tee @ Teo Kok Chee minta **MENTERI PERTAHANAN** menyatakan perkembangan terkini tentang pembayaran ganti rugi RM269.5 juta kepada Kerajaan oleh Syarikat Kausar Consortium Sdn. Bhd. (KCSB) atas keputusan Mahkamah Tinggi Kuala Lumpur akibat kegagalan syarikat tersebut menyiapkan Projek Pembinaan Kem Tentera Darat di Taman Sri Skudai, Johor dalam tempoh waktu yang telah ditetapkan.
12. PN-1523-L10355
Dato' Ahmad bin Dato' Sri Hj. Ibrahim minta **MENTERI PERTANIAN DAN KETERJAMINAN MAKANAN** menyatakan apakah perancangan Kementerian bagi meningkatkan hasil pendapatan petani dan pengusaha kelapa serta usaha Kementerian untuk merencanakan ekonomi industri kelapa yang sebelum ini dilihat sebagai sumber kekayaan baru negara.
13. PN-1523-L10119
Datuk Noraini binti Idris minta **MENTERI PENGANGKUTAN** menyatakan kaedah pelaksanaan subsidi pengangkutan udara yang dikhaskan untuk rakyat luar bandar dan pedalaman Sabah bermula tahun hadapan dan sejauh manakah pewujudan subsidi tersebut berupaya memanfaatkan rakyat daripada pelbagai segmen yang menggunakan perkhidmatan penerbangan khususnya pelajar sekolah, mahasiswa dan pekerja.
14. PN-1523-L09999
Datuk John Ambrose minta **MENTERI KEMAJUAN DESA DAN WILAYAH** menyatakan langkah segera dan strategi yang berkesan dalam membantu mangsa yang ditimpa musibah ribut taufan dan angin kuat yang merosakkan rumah kediaman agar rumah kediaman mereka dibaik pulih dalam tempoh yang singkat.
15. PN-1523-L09994
Puan Susan Chemerai Anding minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah rangka kerja kawal selia (*regulatory framework*) yang diguna pakai oleh negara dalam usaha ke arah pelepasan sifar bersih (*net-zero emissions*) dan adakah ia mencukupi untuk mencapai maksud tersebut.

16. PN-1523-L10405

Dato' Sivaraj A/L Chandran minta **MENTERI SUMBER MANUSIA** menyatakan sejauh manakah kebergantungan ekonomi terhadap penggajian tenaga kerja asing yang telah memberikan kesan terhadap peningkatan jumlah rakyat Malaysia yang tergolong dalam kumpulan berpendapatan dibawah paras garis kemiskinan Malaysia yang meningkat kepada RM2,589 yang memberi kesan kepada 6.4 juta (39%) rakyat di Malaysia.

17. PN-1523-L09915

Datuk Seri Hajah Zurainah binti Musa minta **PERDANA MENTERI** menyatakan status pematuhan kepada kesemua perintah pemberian nafkah anak (*child maintenance*) yang telah ditentukan oleh Mahkamah Syariah Wilayah Persekutuan pada 5 tahun yang lepas. Apakah usaha pihak Kerajaan dalam memastikan pematuhan pemberian nafkah yang telah diarahkan oleh Mahkamah Syariah.

18. PN-1523-L09902

Datuk Seri Prof. Emeritus Dr. Awang bin Sariyan minta **MENTERI PENDIDIKAN TINGGI** menyatakan :-

- (a) faktor kurang keberkesanan pelaksanaan Pelan Tindakan Memartabatkan Bahasa Melayu sebagai Bahasa Ilmu di Institusi Pendidikan Tinggi (IPT) yang dimulakan pada tahun 2011; dan
- (b) strategi yang dirancang untuk memastikan pelaksanaan Pelan Tindakan Memartabatkan Bahasa Melayu sebagai Bahasa Ilmu di IPT Awam (IPTA) 2023-2030 berkesan.

19. PN-1523-L10481

Dr. Wan Martina binti Wan Yusoff minta **MENTERI PENDIDIKAN** menyatakan apakah langkah bagi memastikan penempatan guru dilaksanakan secara telus di seluruh negara supaya semua guru tidak kira latar belakang ditempatkan di mana sahaja secara bergilir agar tidak hanya sesetengah guru sahaja yang merasai kesusahan.

20. PN-1523-L10596

Datuk Haji Mustafa bin Musa minta **MENTERI PENGANGKUTAN** menyatakan status penajajaran semula industri operasi Lapangan Terbang Antarabangsa Melaka (LTAM) Batu Berendam dan bagaimana Kerajaan Persekutuan membantu Kerajaan Negeri Melaka mengaktifkan pintu masuk antarabangsa di Melaka menjelang Tahun Melawat Melaka 2024.

21. PN-1523-L10423
Puan Noorita binti Sual minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah langkah-langkah proaktif dan pelan jangka panjang yang diambil oleh Kerajaan Persekutuan dalam membantu menyelesaikan isu air bersih dan terawat di negeri Sabah.
22. PN-1523-L09831
Tuan Abun Sui Anyit minta **MENTERI PEMBANGUNAN KERAJAAN TEMPATAN** menyatakan maklumat terkini tentang keperluan membina balai bomba di Sarawak dan adakah balai bomba di Sungai Asap telah dimasukkan dalam Belanjawan 2024.
23. PN-1523-L10157
Dato' Sri Vell Paari A/L Tun Samy Vellu minta **PERDANA MENTERI** menyatakan apakah langkah-langkah yang akan diambil untuk mengurangkan pembayaran emolumen memandangkan pembayaran emolumen adalah 24.3% dari keseluruhan Belanjawan 2024.
24. PN-1523-L10383
Tuan Roderick Wong Siew Lead minta **MENTERI BELIA DAN SUKAN** menyatakan langkah yang akan diambil oleh Kerajaan bagi memajukan Sukan Elektronik (*E-Sport*) dan sama ada sukan ini akan dianjurkan melalui sekolah seperti sukan yang lain.
25. PN-1523-L09866
Datuk Teo Eng Tee @ Teo Kok Chee minta **MENTERI PEMBANGUNAN KERAJAAN TEMPATAN** menyatakan usaha yang dilakukan bersama-sama dengan Pihak Berkuasa Tempatan (PBT) dalam menangani masalah lambakan lot kedai dan rumah kedai tidak terjual, yang akhirnya menjadi lubuk kepada aktiviti jenayah dan tidak bermoral.
26. PN-1523-L10502
Tuan Haji Hussin bin Ismail minta **MENTERI KESIHATAN** menyatakan sejauh mana komitmen Kerajaan untuk menaik taraf dan menambah bilangan fasiliti kesihatan di Terengganu melalui peruntukan Belanjawan 2024.
27. PN-1523-L10035
Datuk Bobbey Bin Suan minta **PERDANA MENTERI** menyatakan kesediaan meluaskan kemudahan pengundi-pengundi yang berada di luar negeri untuk mengundi secara undi awal atau undi pos bagi meningkatkan peratus keluar mengundi dalam mana-mana pilihan raya.

28. PN-1523-L10080
Dr. Lingeshwaran A/L Dato' Seri R. Arunasalam minta **MENTERI KESIHATAN** menyatakan :-
- (a) sebab mengapakah di Malaysia terdapat seramai 20% kanak-kanak mempunyai pertumbuhan yang terbantut atau kurang berat badan; dan
 - (b) jumlah dan kadar kanak-kanak terbantut atau kurang berat badan mengikut negeri dan strategi serta polisi Kerajaan untuk menangani masalah ini.
29. PN-1523-L10514
Dato' Haji Husain bin Awang minta **MENTERI PEMBANGUNAN KERAJAAN TEMPATAN** menyatakan sejauh mana komitmen Kerajaan untuk membendung pendatang asing yang mula menceburi bidang perniagaan sehingga menjejaskan peniaga-peniaga tempatan dan berkemungkinan menjejaskan ketenteraman awam.
30. PN-1523-L10417
Dato' Sivaraj A/L Chandran minta **PERDANA MENTERI** menyatakan apakah inisiatif-inisiatif yang telah dilaksanakan oleh pihak Kementerian untuk mewujudkan Akta Anti Scam ekoran undang-undang sedia ada dilihat tidak berkesan dalam usaha membanteras jenayah penipuan.
31. PN-1523-L10592
Tuan Amir bin Md Ghazali minta **MENTERI PELANCONGAN, SENI DAN BUDAYA** menyatakan kekangan yang dihadapi Kementerian dalam usaha mempromosi produk pelancongan melalui *Tourism Malaysia*.
32. PN-1523-L09967
Datuk John Ambrose minta **MENTERI PENDIDIKAN** menyatakan perancangan pihak Kementerian dalam menambah baik dan menaik taraf kemudahan infrastruktur sekolah-sekolah di luar bandar terutamanya di Sabah dan Sarawak agar seimbang dengan perkembangan arus perdana.
33. PN-1523-L10325
Datuk Lim Pay Hen minta **MENTERI PERTANIAN DAN KETERJAMINAN MAKANAN** menyatakan :-
- (a) usaha atau langkah yang telah dilakukan untuk memperkasa pertanian bandar (*urban farming*) sebagai salah satu cara bagi mengurangkan kos sara hidup dan menjamin sumber makanan; dan

- (b) status terkini Program Pertanian Bandar yang diperkenalkan pada tahun 2014 serta penambahbaikan yang telah dilakukan sehingga kini.
34. PN-1523-L10256
Tan Sri Dato' Low Kian Chuan minta **MENTERI PELABURAN, PERDAGANGAN DAN INDUSTRI** menyatakan :-
- (a) peratusan kadar penggunaan Perjanjian Perkongsian Ekonomi Komprehensif Serantau (RCEP) dan Perjanjian Komprehensif dan Progresif bagi Perkongsian Trans-Pasifik (CPTPP); dan
- (b) cabaran yang dihadapi semasa penggunaan RCEP dan CPTPP.
35. PN-1523-L10009
Tuan Manolan bin Mohamad minta **MENTERI PENDIDIKAN** menyatakan adakah kajian menyeluruh dibuat berkenaan prestasi murid apabila peperiksaan UPSR dimansuhkan.
36. PN-1523-L10441
Dato' Dr. Nelson A/L Renganathan minta **MENTERI PEMBANGUNAN USAHAWAN DAN KOPERASI** menyatakan rancangan khas yang disediakan oleh Kementerian bagi membantu perusahaan kecil dan sederhana (SME) dari segi modal kewangan untuk memastikan bahawa perniagaan mereka akan berterusan dalam suasana ekonomi yang tidak menentu pada masa ini.
37. PN-1523-L10573
Prof. Tan Sri Datuk Dr. Hj. Mohamed Haniffa bin Hj. Abdullah minta **MENTERI PERTANIAN DAN KETERJAMINAN MAKANAN** menyatakan dalam konteks ketidakstabilan dan naik turun pasaran global dan impaknya ke atas peningkatan kos sara hidup rakyat, apakah langkah strategik yang diambil Kementerian untuk mengurangkan kebergantungan negara terhadap barangan import dan apakah kaedah yang dikenal pasti bagi meningkatkan keberlanjutan akses makanan serta peranan kecekapan logistik negara.
38. PN-1523-L10604
Datuk Haji Mustafa bin Musa minta **MENTERI PENDIDIKAN** menyatakan fokus pendidikan di sekolah rendah agar pelajar tidak dibebani dengan kandungan subjek yang tinggi tahapnya dan guru-guru gagal menghabiskan sukatan pelajaran kerana kekangan waktu pertemuan dan pembelajaran.

39. PN-1523-L09840

Tuan Abun Sui Anyit minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan :-

- (a) adakah Kementerian berhasrat untuk menjadikan sungai sebagai tempat mandi-manda; dan
- (b) apakah kaedah-kaedah yang digunakan untuk mengelakkan sungai menjadi tempat pembuangan sampah.

40. PN-1523-L10617

Dato' Kesavadas A/L A.Achyuthan Nair minta **MENTERI PENGANGKUTAN** menyatakan apakah mekanisme yang akan dilaksanakan untuk memantau kenaikan serta penurunan harga tiket penerbangan yang ditetapkan oleh Malaysia Airlines (MAS) dari semasa ke semasa berikutan pendirian yang dinyatakan oleh Menteri bahawa Kementerian tidak akan campur tangan dalam polisi tambang yang melibatkan syarikat penerbangan tersebut.

41. PN-1523-L10453

Tuan Nik Mohamad Abduh bin Nik Abdul Aziz minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah kesan fenomena El Nino yang sedang berlaku dan apakah persiapan untuk menghadapi Monsun Timur Laut.

42. PN-1523-L10270

Dato' (Dr.) Arman Azha bin Abu Hanifah minta **MENTERI PERTANIAN DAN KETERJAMINAN MAKANAN** menyatakan status terkini tentang penarikan subsidi ayam yang diumumkan baru-baru ini.

43. PN-1523-L10069

Datuk Bobbey Bin Suan minta **MENTERI PEMBANGUNAN KERAJAAN TEMPATAN** menyatakan usaha-usaha yang telah dan akan dilakukan bagi meningkatkan kesedaran rakyat tentang kepentingan melakukan pengasingan sampah mengikut kategori agar proses pelupusan sampah dan kitar semula lebih berkesan dan selamat kepada penduduk sekitar.

44. PN-1523-L10626

Dato' Kesavadas A/L A.Achyuthan Nair minta **MENTERI BELIA DAN SUKAN** menyatakan adakah Perbadanan Stadium Malaysia pada hakikatnya mewujudkan prosedur pematuhan kepada penganjur acara memandangkan terdapat banyak aduan berkenaan kecelaruan sistem tempat duduk penonton di samping berlaku kelewatan persembahan ketika penganjuran konsert Muse di Stadium Nasional Bukit Jalil pada akhir Julai lalu.

45. PN-1523-L10473

Dr. Wan Martina binti Wan Yusoff minta **MENTERI LUAR NEGERI** menyatakan apakah pendirian Kerajaan terhadap isu Palestin dan apakah bentuk bantuan yang telah diberikan kepada rakyat Palestin sehingga kini.

46. PN-1523-L09851

Datuk Razali bin Idris minta **MENTERI PELABURAN, PERDAGANGAN DAN INDUSTRI** menyatakan jumlah pelaburan langsung asing (FDI) yang diterima dan direalisasikan dari tahun 2020, 2021, 2022 dan 10 bulan pertama 2023 di Terengganu dan jumlah pekerjaan yang diwujudkan melalui pelaburan berkenaan.

47. PN-1523-L10232

Datuk Seri Dr. Mujahid bin Yusof minta **MENTERI LUAR NEGERI** menyatakan hubungan dengan Amerika Syarikat dan negara yang pro-Israel setelah Malaysia mengambil sikap yang tegas dalam isu Palestin.

48. PN-1523-L09943

Dato' Dr. Ahmad Azam bin Hamzah minta **MENTERI KESIHATAN** menyatakan statistik dan status pencapaian sasaran Kementerian dalam mengurangkan nisbah mortaliti ibu bersalin dan mortaliti neonatal di peringkat global.

49. PN-1523-L10142

Datin Ros Suryati binti Alang minta **MENTERI LUAR NEGERI** menyatakan langkah-langkah yang diambil dan bantuan yang dihulurkan oleh Kerajaan bagi meredakan serta menyelesaikan ketegangan yang berlaku di Asia Barat terutamanya dalam krisis perang Israel dan Palestin seperti yang berlaku sekarang.

50. PN-1523-L10301

Tuan Mohd Hasbie bin Muda minta **MENTERI PERTANIAN DAN KETERJAMINAN MAKANAN** menyatakan rasional Kerajaan mengumumkan kenaikan harga lantai padi dari RM1,200.00 kepada RM1,300.00 tetapi tidak menaikkan harga jualan beras tempatan.

51. PN-1523-L09832

Tuan Abun Sui Anyit minta **MENTERI PERTAHANAN** menyatakan apakah status jalan raya di Daerah Belaga yang telah dibina di bawah inisiatif Kementerian iaitu Jalan Jiwa Murni dari Menjawah ke Belaga dan dari Belaga ke Nanga Merit. Adakah Kerajaan berhasrat menaik taraf jalan sedia ada ini kepada jalan berstatus lebih baik dan bilakah ia bakal dilaksanakan.

52. PN-1523-L10057

Dr. Lingeshwaran A/L Dato' Seri R. Arunasalam minta **MENTERI SUMBER MANUSIA** menyatakan :-

- (a) jumlah dan peratusan daripada kumpulan Senarai Pekerjaan Kritikal (*Critical Occupation List*) 2023 yang telah dipelawa balik ke Malaysia untuk berkhidmat menerusi program TalentCorp; dan
- (b) KPI dan perancangan TalentCorp bagi perkara ini.

53. PN-1523-L10387

Tuan Roderick Wong Siew Lead minta **MENTERI PELABURAN, PERDAGANGAN DAN INDUSTRI** menyatakan langkah yang diambil oleh Kerajaan bagi menggalakkan pembelian kereta elektrik (EV) dan sama ada kemudahan pengecas kereta elektrik dalam negara adalah mencukupi.

54. PN-1523-L10090

Tuan Seruandi bin Saad minta **MENTERI BELIA DAN SUKAN** menyatakan pelan dan perancangan Kementerian berkaitan Program Rakan Muda di seluruh negara dan juga kaedah bagi meningkatkan penyertaan belia dalam program ini untuk terus memperkasa Rakan Muda.

55. PN-1523-L10367

Dato' Ahmad bin Dato' Sri Hj. Ibrahim minta **MENTERI KEMAJUAN DESA DAN WILAYAH** menyatakan apakah usaha Kementerian untuk memastikan inisiatif Program Pendigitalan Usahawan Desa sampai kepada penduduk luar bandar dan adakah inisiatif ini akan diperluaskan ke semua pelusuk luar bandar seluruh negara.

56. PN-1523-L10028

Datuk Wira Dr. Mohd Hatta bin Md Ramli minta **MENTERI PELABURAN, PERDAGANGAN DAN INDUSTRI** menyatakan usaha Kerajaan dalam menangani isu birokrasi ataupun situasi silo yang berlaku antara agensi pemerintah seperti Perbadanan Pembangunan Industri Halal (HDC) dan Jabatan Kemajuan Islam Malaysia (JAKIM) yang dilihat sebagai salah satu faktor penghalang kepada perkembangan industri halal di Malaysia.

57. PN-1523-L10494

Tuan Haji Hussin bin Ismail minta **MENTERI PEMBANGUNAN KERAJAAN TEMPATAN** menyatakan langkah untuk meningkatkan kesedaran pemilik premis warga tempatan yang membenarkan warga asing mengendalikan aktiviti perniagaan mereka selain daripada pembatalan lesen perniagaan dan kompaun yang ditetapkan dalam Akta Kerajaan Tempatan 1976.

58. PN-1523-L10121

Dato' Sri Ti Lian Ker minta **PERDANA MENTERI** menyatakan apakah perkembangan penubuhan Suruhanjaya Keselamatan Siber dengan kerjasama pihak Kementerian, CyberSecurity Malaysia (CSM) dan Agensi Keselamatan Siber Negara (NACSA).

59. PN-1523-L10522

Dato' Haji Husain bin Awang minta **MENTERI PERLADANGAN DAN KOMODITI** menyatakan perancangan Kerajaan dalam menghasilkan lateks keluaran tempatan tanpa bergantung kepada lateks import yang menelan kos sebanyak RM3 bilion setahun.

60. PN-1523-L10530

Datuk Dr. Dominic Lau Hoe Chai minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan adakah Kementerian mempunyai sebarang perancangan untuk menyekat terus penggunaan beg plastik dan mewajibkan penggunaan beg alternatif yang lebih bersifat mesra alam.

61. PN-1523-L10303

Tuan Jaziri Alkaf Abdillah Suffian minta **MENTERI PELABURAN, PERDAGANGAN DAN INDUSTRI** menyatakan jumlah pelaburan yang sudah dilaksanakan setakat ini, memandangkan nilai mata wang Ringgit RM berbanding Dolar (USD) sekarang berada pada tahap yang membimbangkan.

62. PN-1523-L10226

Tan Sri Haji Mohamad Fatmi bin Che Salleh minta **MENTERI LUAR NEGERI** menyatakan apakah ancaman yang telah dilakukan oleh negara-negara pro-Israel terhadap Malaysia sehingga kini serta apakah strategi Kerajaan untuk menghadapi konsekuensi tersebut supaya tidak memberi kesan yang besar terhadap rakyat dan ekonomi negara.

63. PN-1523-L10081

Tan Sri Datuk Seri Panglima Anifah Bin Aman minta **PERDANA MENTERI** menyatakan proses penyelarasan gaji untuk penjawat awam seperti yang diumumkan dalam Belanjawan 2024 terutamanya bagi Wilayah Persekutuan Labuan dan Negeri Sabah.

ATURAN URUSAN MESYUARAT DAN USUL-USUL

- | | | |
|----|---|--------------------------|
| 1. | (D.R.31/2023) Rang Undang-Undang Perbekalan 2024- Menyambung semula Perbincangan atas masalah. [Menteri Kewangan] | Bacaan Kali Kedua |
| 2. | (D.R.36/2023) Rang Undang-Undang Kewangan (No.2) 2023 [Menteri Kewangan] | Bacaan Kali Kedua |
| 3. | (D.R.33/2023) Rang Undang-Undang Syarikat (Pindaan) 2023 [Menteri Perdagangan Dalam Negeri dan Kos Sara Hidup] | Bacaan Kali Kedua |
| 4. | (D.R.42/2023) Rang Undang-Undang Kawalan Produk Merokok Demi Kesihatan Awam 2023 [Menteri Kesihatan] | Bacaan Kali Kedua |
| 5. | (D.R.26/2023) Rang Undang-Undang Makanan (Pindaan) 2023 [Menteri Kesihatan] | Bacaan Kali Kedua |
| 6. | (D.R.40/2023) Rang Undang-Undang Suruhanjaya Hak Asasi Manusia Malaysia (Pindaan) 2023 [Menteri di JPM (Undang-undang dan Reformasi Institusi)] | Bacaan Kali Kedua |

7. **Usul dibuat oleh Menteri Ekonomi dan masalah dicadangkan :-**

"BAHAWA Dewan ini,

memahami akan perlunya satu dasar untuk mereformasi pasaran kerja melalui Kertas Putih Cadangan Dasar Gaji Progresif agar golongan pekerja mendapat gaji yang lebih tinggi seiring dengan peningkatan produktiviti.

mendukung aspirasi Kerajaan untuk menstruktur ekonomi ke arah Malaysia sebagai sebuah negara berpendapatan tinggi dengan memperkenalkan dasar gaji yang dijangka berupaya mengurangkan ketidaksamarataan pendapatan, meningkatkan produktiviti pekerja dan daya saing syarikat.

menyokong usaha pelaksanaan Dasar Gaji Progresif yang akan dimulakan dengan projek rintis bagi menentukan keberkesanan dan ketersediaan sebelum pelaksanaan Dasar Gaji Progresif dibuat secara menyeluruh.

menyeru semua pihak berkepentingan untuk bersama-sama memikul tanggungjawab dalam menjayakan usaha ini sejajar dengan pendekatan kolektif dengan semua pihak termasuk Kerajaan, majikan dan pekerja.

BAHAWA Dewan ini meluluskan Kertas Putih Cadangan Dasar Gaji Progresif supaya menjadi hala tuju reformasi pasaran kerja negara seperti yang dinyatakan dalam Kertas Perintah CMD.69 Tahun 2023 iaitu Kertas Putih Cadangan Dasar Gaji Progresif."

[Menteri Ekonomi]

**RISALAT-RISALAT YANG DIBAWA KE DALAM MESYUARAT
(DEWAN NEGARA)**

| <u>TAHUN 2023</u> | <u>RISALAT/DOKUMEN</u> | <u>TARIKH DIBENTANGKAN</u> |
|------------------------------|--|---------------------------------------|
| DN 9/ 2023 | Penyata Jawatankuasa Dewan Bersama Dewan Negara Dan Dewan Rakyat | 12 Disember 2023 |